



Commembers dil Club da Lions Origin dil Rein preparan il genter sil grill.

FOTOS H. HUONDER



Per bein enqualin ein gia ils cavals stai in'attracziun.

Variaziun beinvegnida grazia als Lions

Cussadent(a)s dalla Casa Soldanella a Rueras han gudiu in viadi cun carrotscha ed ina grillada

DA HANS HUONDER / ANR

■ La primavera han commembras e commembers dil Club da Lions Origin dil Rein purschii ina tscheina publica el hotel Rhätia a Mustér. Il recav da quella han els impundiu per in viadi cun carrotscha ed ina grillada pils cussadents, lur parents ed il personal dalla Casa Soldanella a Rueras. Il club ch'ei vegnius fundaus avon rondud quarter onns organischesa regularmein arranschaments interns, mo era activitats en favur d'ina buna causa. «Igl intent dils clubs da Lions ei da survir e segidar cun gliעד che ha fors buc adina mo il cleg da sia vart, aschidadir culs fleivels dalla societad», di *Edwin Deflorin* che presidescha dapresent il club. Ina da quella acziuns ha il club organisau la sonda vargada. Cun il recav dall'acziun «Lions cuschinan per hosps en favur dalla Casa Soldanella» igl avrel vargau ha il club saviu porscher alla casa a Rueras in di tut special. A quella tscheina che ha giu liug el hotel Rhätia a Mustér tier la commembra dil club e responsabla per las activitats, *Vreni Werth*, eran 45 persunas separticipadas. Grazia a quei success ha igl arranschament per la Casa Soldanella saviu vegnir purschius. La sonda avonmezdi ein las cussadentas ed ils cussadents da quella vegni menai cun cavals e carrotscha entochen a Dieni en localitads dallas pendicularas, respectivamein

dall'Andermatt-Sedrun Sport SA. Ensemen cun lur parents ed il personal dalla casa han els allura gudiu leu ina grillada. Sco quei ch'il suprastont dil club, *Martin Tomaschett*, di han bunamein 50 persunas gudiu quella purschida. Per la fin han

las cussadentas ed ils cussadents obtenu in pign regal en fuorma da tschugalata el senn d'ina regurdientscha a quei di.

In'attracziun

Ch'ins ha sustenuu la Casa Soldanella uonn ha tenor Tomaschett in motiv special: «La finamira ei da dar agid leu nua ch'ei fa da basegns. Nus lein sustener enzatzegi special, porscher in'activitad ch'ei buc usitada e che l'instituziun pertuccada sa buc exnum offerir. Plinavon savein nus impunder quels daners ella region ed en in'impuronta instituziun.» La Casa Soldanella a Rueras dat dimora a persunas carschidas cun different grad d'impediment. Ellas vegnan accompignadas atras il mingadi, denter auter era cun in program d'activitad. Quella purschida ei il menader dalla Casa Soldanella, *Hanspeter Brun*: «Per nus e surrut per nos cussadents ei quei scapescha ina causa fantastica. Igl ei in'attracziun ed ina variaziun tiel mingadi. Per biars eis ei gia in hit da saver bandunar la casa per in di. Igl ei naturalmein fetg bi che nus havein era saviu envidar ils parents.» Igl ei stau la secunda ga ch'il Club da Lions Origin dil Rein ha organisau ina tala activitad cun la finamira da sustener ina buna causa. Igl onn vargau ei vegniu organisau in'exposiziun cun maletgs ed autras lavurs d'affons pil temps d'advent e Nadal. Il recav da lezza acziun ei ius en favur dall'unium Momo. Quella s'engascha per la partizun d'affons ch'ei en tractament per pli liung temps el Spital cantonal a Cuera. Il Club da Lions Origin dil Rein dumbra il mument 43 commembras e commembers.



Cussadent(a)s, parents, personal, representants dalla Fundaziun Soldanella e dil Club da Lions Origin dil Rein sil viadi da Rueras a Dieni. Seniester il president dil club Edwin Deflorin e dretg il meincasa dalla Soldanella Hanspeter Brun.

Podest per Decurtins e team

■ (ant/sr) La squadra T2 Racing ei in'equipa da corsa da *Claudio Albin* e *Pieder Decurtins* da Trun. Avon varga diesch onns han els surpriu la representanza da Radical Sportscars Schweiz. Da cuort han ils amaturs dils autos sperts sargau la purschida dalla farschenta a Trun/Darvella cun ulteriurs autos e midau il num a Radical Sportscars/T2 Racing Switzerland. La fin da jamna vargada ein ils pilots da corsa dil team T2 Racing separticipai al maraton da 24 uras a Zolder en Belgia. A *Pieder Decurtins* e ses collegas *Dario Pergolini*, *Nico Stuerzinger*, *Mike Fenzl* e *Marcel Meier* eis ei reussiu da realisar lur finamira, numadamein da far in plaz da podest. Sco *Decurtins* ha declarau suenter la corsa all'anr hagi siu team giu la notg in pign accident cun in auter concurrent ed ei seigi stau da midar ora in «push road». La davosa ura hagi igl auto – in prototip da Ligier – entschiet a vegnir memia cauld,



enzanua perdevi el aua. Perquei stuevien ei mingamai metter suenter aua suenter siai rundas. «Igl ei stau mo cleg ch'igl auto ha aunc tenui ora ils strapas. Las emozziuns ein stadas immensas. Ei havess saviu esser finiu ni che nus fussen vegni ils seconds. Tochen il davos ha ei tunschiu per in super tierz plaz el classament total ed igl emprem plaz en nosssa classa», selegra *Decurtins*.

Alla corsa da 24 uras a Zolder en Belgia ei la squadra T2 Racing (amiez) stada sperta, ils pilots da corsa han victoriasu en lur classa ed ein davantai tiarzs el classament total. MAD

reclama

«10 Prozent mehr AHV nach dem Giesskannenprinzip verteilen kostet Milliarden und gefährdet unsere Renten!»

Teure AHV-Initiative **NEIN**
www.ahv-initiative-nein.ch